

ACCLAMATIO FESTIVA
 TÆDIS AUSPICATISSIMIS
M. ERNESTI Königs
 Gymnasii Patrii Rectoris,
 VIRI MERITO SUO CLARISSIMI,

Et
DOROTHEÆ HEI-
SELMEJERÆ,
 INTER VIRGINES PATRIAS LECTISSIMÆ,

NOBILISSIMI
 DN. GEORGII CZIM-
 MERMANNI,
 Burggrabii Regii, & Pro Cos. Tho-
 runiensis Magnifici,

PRIVIGNA,
 DICATA

Et ex Alma Bregelana Thorunium
 transmissa

GEORGIO WACHSCHLAGER, Thorun.

Anno clō lōc Lxix. d. xxvi. Februar.

THORUNII
 Literis excudebat JOHANNES COEPELIUS, GYMN. TYP.



Mnia nunc rigidis horrent repleta p
Formosumq; decus mundi texere r
Montes; flant Cauri, glacies constringit an
Fluctus, Oceano Boreæ nox incubat atra
Flumina ferratis non cedunt orbibus: altæ
Concresecunt puppes, crassi violentia Coeli
Frigus Hyperboreo sævum devexit ab Axe.
Ardet amor, calidasq; faces, ignesqve ministrat
Cordibus, & sacra miscet præcordia flamma.
Parvus amor, magnæ Veneris grandæva voluptas,
Qvem metuunt pharetrâ telisq; potentibus acré
Ipsa cohors Superûm formidatumqve Tribunal:
Qvem nec Sceptriferi Reges ostroqve superba
Nomina, devitant, claræ titulisqve Coronæ.
Incola tum vilis tugurî, rurisq; Colonus,
Tum sapiens, Fati victor, qui fortis amaræ
Bella fugans, arcet pugnas, bellisq; resistit
Fortibus ingenio, debellatorqve malorum;
Subjacet Imperio moderantis corda Monarchæ
Colla Cupidineæ dans non invita Tiaræ.
Sponse, Tuum sapiens fovit sapientia pectus,
Armatumq; suis clypeis contemnere duos
Fortunæ docuit casus, varioqve labori
Constantes animo generoso obvertere vultus.
Vincit amor rigidum, quod dat sapientia, pactum;
Marmoream mentem, duroq; simillima ferro
Pectora contundit validus, celeresq; sagittas
Mittens, flammifero jaculatur spicula cornû.

Jam-

ve Dionæas artes, pueriqve volantis
des, & teneris sentit majora lacertis
documenta Tuum; cedit sapientia blandis
us, & nullo quondam penetrabilis astu
unæ Regina, levi succumbit amori.

dare non pudeat palmam: cognosce Virorum,
Ubera qui doctæ semper suxere Minervæ,
Quos faciles Musæ dexterqve probavit Apollo,
Exemplum. Facibus tantis cessere Catones,
Quos gravitas morum, quos spectatissima Virtus
Omnibus Ideam posuit: cessere professi
Fortia Socraticæ sapientes dicta Cathedræ,
Et Stoam quicunqve sonant, quicunq; Cleanthis
Portam, vel clari doctissima iussa Lycæi.

Quæis flammis quæris, cujus correptus amore,
Doridos in tædas & dulcia vincula mentem
Flexeris, aut qui Te firmantem pectora ferro
Virtutis, fulgor, sociaqve cupidine Magnes
Traxerit, aut grato violarit vulnere? Grata
Virgo fuit, Cyprias inter pulcherrima Natas,
Grande decus Matris, lepidis decus ipsa puellis,
Cujus nobilibus cunis Tritonia Pallas,
Gratia cum Charitum numero, & Berecynthia
Mater,

Adstitit. Illius frontem si cernis amator,
Frons altis similis consurgit collibus: astra
Transcendunt oculi: superantqve corallia labra:
Colla nivem & floresq; genæ, quum tempore verno
Mellea Panchaicis miscentur lilia plantis,
Autumnoqve suo redolent pomaria fructu.

Lau-

Laudet Priamides Helenas, Herusq; Leander
Phyllida Demophoon laudet Briseida Pelei
Filius, Hermionem pulchram decantet Oreste
Et placeat stulto Sapho lasciva Phaoni:
Te THEODORA beat: Divæ virtutis Alumna;
Ingens depositum Cœli, donumqvé Tonantis.
Multos illa Procos sprevit, multisqvé petita
Dispexit tanto non dignas fœdere mentes.
Tu, sibi quem vitæ Socium, thalamiq; jugalem
Posceret, & manibus junctis se traderet: unus
Dignus eras. Sacros sic exsorbere liqvores,
Sic Aganippæas juvat & Parnassidos undas
Exhaurire! Tuam duc ergò, SPONSE, Maritam
In thalamum. Quid opus cogas? en sponte sequetur.
Hymen ades, Cytherea veni, tuq; ipse Cupido
Adsis Conjugii Præses, & pronuba Juno,
Latisonum reliqui resonantes gutture Carmen
Plaudite: vota petant Superos cœlumq; fatigent.
Vivite concordēs animæ, quas inclyta Virtus,
Quas Pietas casto junxit sociata pudori.
Vivite felices, Parcæ sua stamina versent
Parcius, & vestræ parcant pia Numina Vitæ.
Qvi DEUS arcanis accendit pectora flammis,
Augeat accensos vestris in cordibus ignes:
Vina ferat Bacchus, fruges & Cornua Capræ
Magni Tripolemi major ferat ipsa Magistra.
Flora suis violas calathis, Tulipasqvé recentes
Proferat, & thalamos fragranti spargat amomo!

